

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدملیدر.

عرفای امتک مقالات متصوفانه لرینه
جریده صوفیه نک صحیفه لری آچقندر .
درج ایدلیان اوراق اعاده ایدلر .

هیئت تحریریه مدیری :

جریده صوفیه

شیمدیلاک هفته ده بر نشر اولنور .

نسخه سی ۴۰ پارده در .

ابونه سی : برسنه لک اعتباریله ممالک عثمانیه
ایچون پشین اوله رق ۴۰ آلتی آیلنی ۲۵
غروش و ممالک اجنیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی
ابن مولانا سعید چلبی

دوره حقیقون سرنمای ظهور اولدجه اوملتک حکماسی فیلسوفی ارتار . قطره تخمین ایتدیکمز دلار عمان معرفت کسلور . کبار و مشاهیر ملتک ازشادات استادانه لری ایسه بر ملتی احیا خصوصنده کافی دکلدر ؟

رضینا بالعلوم تکنون فینا مخلده وللجمال مال
لانال یعنی عن قریب وانالعلم ایس له زوال

دنیا بالاتفاق جاهله اقبال عالمه ادبار ایدر . سن یوندن طولانی مایوس اوله :

لا یأسن اذا ما کنت ذا ادب علی خولک ان ترقی الی الفلک
فینهما الذهب الا بریز مختلط بالترب اذ صار کلیلاً علی الملک

مثنویخوان

غلامرضا

مناظره حادثات

افرادى بردرجه تکامله ایصاله چالیشان حکومت صولک زمانلرده عدسه مساعیسنی بک بچاره بر عنصره جویرمش ایدی که بالطبع بوده تکایا و مشایخ ایدی . حکومت یوندن صکره انتخاب اولنه حق مشایخک بحق اصحاب اخلاقدن ، ارباب علم و عرفاندن اولسنی ایسته یوردی . طیبی بو آرزو بر حسن نیتک محسولی ایدی . چونکه بو عصرده کره ارضی سپاه بر اوکوزک بونوزی اوستنده تخیل ایدنلری دکل میانه مشایخده عوام تزدنده بيله کورمک ایسته میوردی .

مقصد ، هر فردی محیط مساعیسنده مترقی ، متعالی کورمک بیوک و کوچوک مختلف افرادى « سجه » صاحبی ایتک ایدی . یوندن عالی بر اجرا آتده تصور اولنه ماز . بو قرار مصییک بر جوق عقلای ملت طرفدارى اولدی . چونکه عاقل علمک ، عرفانک نه اولدیغنی بیلن دیمکدر .

بو بیلکدن دور مهجور اولان غافلرده ، مرکب بر جهلک سائقه سیله « مدرسه المشایخ » علینده دولو دیز کین اداره لسان ایدیورلر و « مشایخ مدرسه ده اوقورمی ! » عقیده باطله سیله ، « حضرت یونس اوقومشمیدر ! » مطالعات سخیفه سیله شدتله مخالفتی وسیله قیل و قال ایتدیلر .

جهلا غندنده اک صحیح مقیاس قیناس نفسدر ، چونکه عناد ، جهل اونلرجه علم مرتبه سنده متجلی اولدیندن حقیقی اونلره اینساندیرمق ایچون صرف ایدیلن امک بک پهوده اولور . اونلرک غندنده هیچ بر شی طوغری دکل آنجق محیظندن آلدینی او بسیط بی فائده تربیه اساسیه حاکدر . « بابامدن کوردم » ذیسه باطل

اولدیغنی بیلدیکی حالده ینه ادعای باطل و غریبنده اصرار ایدر . ایشه حکومتک نقطه نظری یونلر کبی عرفا کسوده سیله جهالت اویونی اوینایانلره عائددر . آرتق یوندن صکره بی ثبات مسلکسزلره ، مقلد مرایشلره میدان یوقدر ، ایجابات زماندر . مشایخ نه ایچون اوقومازمش ؟ شو حالده مشایخ دینان کیسه لر رحم مادر دن عالم باله واصل الی الله ، عارف بی مدانی اوله رق طوغار (!) که ظاهر بویه اوله حق .

محی الدین عربی ، عبدالقادر کیلانی ، سید احمد رفاعی ، مولانا جلال الدین رومی ، احمد بدوی سعد الدین جیای ، بهاء الدین نقشبند عمر خلوتی ، حاجی بکدناش ولی ، شعبان ولی ، خلاصه بتون بیران جلیل الشان قدس الله اسرارهم امی ایدیلر دیک ! جهلا غندنده علم مغنویک تحصیل جوربا ایچمک کبی قاشیقله اوله حق که پیرانک هپسنی ده بویه تصور ایدرلر (!)

بو کون موجود وثائق و اثار حضرت یونسک اولدجه تحصیل کوردیکنی اثبات ایدیور . چونکه بتون شعرلری حضرت پیر جلال الدین رومیدن ملهم اولمش و غزلیات مولاناک ضایع لفظیه دن معرا برر ترجمه سیدر . شو حالده حضرت یونسه فصل امی دیه بیلیرزه ، فصل کوزک کوردیکی بر حقیقی انکار ایده بیلیرز ، فصل فارسی بیلدیکنی ، اثار مولانای اوقودینغنی انکار ایده بیلیرز .

پیران کرامی او یوکسک درجه لره قدر اعلا ایدن علمدر . شاید علم اولمسه ایدی هیچ بریسی او رتبه کسب شهرت و فیض ایده مزیدی . چونکه حقیقی اکلا یامازلردی . بنم اکلا دیغمه کوره حالسز قال ، قالسز حال اولماز . بو بویه اولدیغنی کبی ظاهر سز باطن ، باطنسزده ظاهر ؛ مغنویاتسز مادیات ، مادیاتسز مغنویات اوله ماز . چونکه نظام مقدر ایجاباتسزدر . بکن مقاله مده دیدیکم کبی - نظام مقدری هیچ بر شی تحویه قادر دکلدر .

[نظام مقدردن مقصدسز قضا و قدر مسئله سی دکلدر . آنجق قانون طبیعت ، قانون الهی در] ایشه جهلا بو صورتله مخالفت ایتدیلر ، ایتدیلرده نه اولدی ینه حکومت قرارینی موقع فعله قویدی . بو قراردن اک زیاده مسرور اولانلردن بریسی ده فقیر ایدم . چونکه ، مسلکمک تعالیسنی ، بقاسنی ، ترقیسنی استحضار ایدن بو تشبث سخیفه استقبال حقنده بک قوی امیدلر بخش ایتدی . اسکیسی کبی تکیه لرمن بردار لرغان اوله جقدی . شعرا ، فضلا ، عرفا هب بورالرده یتیشه جک ایدی . حالاً بو امیدله یاشامقده یم . ذاتاً :

امید الیله در جهانده هر حال

دیمزلرمی ؟ حتی سر آمدان شعرای عثمانیه دن نامق کال بک زاده اکرم بک اقتدینک :

امید جهانده ده بیوک ذوق ایسه محدود
هر ساعتی عمرک امل انرا ، الم افزود الخ

بدیعه لری بویه امیدار اولدیغیز دقیقه لر مزده در حال خاطره کلیر، دستگیر من اولور.

براز اول حکومتک بتون افراد ملت ده بر «سجیه»، «مسلك» کورمک ایسته دیکنی در میان ایتشدم. فقط بو بایده اصل جان آله حق نقطه نك مختلف اسباب الحاسیه دوشونيله مدیکنی ده ذکر ایده بیایم. بکلردن اسکدار مشایختدن بر ذات ایله کوروشمشم. میر موسی ایله فقیره پک یانیق اوله رق بر چوق در دلری صایدقدن صکره او جان آله حق نقطه حقه ده مرجعک نظر دقتی جلب ایتمککی نیازمندانہ اخطار ایندی. و بو بایده کی فکرک جانلانمسه بادی اولدی. بزده مسلك نامنه مرجع محترمک نظر دقتی جلبه مسارعت ایدیوروز. مدرسه نك کشادنن مقصدک مسلكک احیاسی اولدیننی بر ایکی کره ذکر ایتشدم. احیای مسلك یالکز علم ایله، عرفان ایله اولماز. ذاتاً هر شیء یالکز معنوی دوشونمک یوزندن پک چوق ضرر لر تولد ایندی که هیچ بریسنی تلافی ایده مدهک. برارزه مادیاتی پیش امعانه آلمق ایجاب ایدر. بوکون یوزباره «امامت»، التمش پاره «تربه دارلق» اوچ غروش «وظیفه» که من حیث المجموع یدی غروش عائداتی (!) اولان تکیه لر من پک جو قدر. شمدی انصاف ایده لم مدرسه المشایختدن مأذون اولان بر ذات کلیرده بوراده اجرای مشیخت ایده بیلیرمی؟ بو آدم نه یسون، نه ایچسون، صکره نه ایله اجرای آیین ایتسون. مادامکه مسلك احیا اولنه حق، اوقاف نظارتی بر چوق فداکارانی درعه ده ایتدی، مصرف لر یادی فقط بو جهتی قطعاً نظر اعتباره آلمادی. تکیه لرک بایلری ارباب عرفاندر. اهل عرفانن معظمات اموره نقصان صدور ایده من. شو حالده تکیه لری بنا ایدرکن طبعی وارداتی ده پیش امعانه آلمشدر. عییا او واردات شمدی نه اولدی. طبعی ایدی غاصین التده محو اولدینی کی بر قسمی ده اوقافک، مالیه نك شونک، بونک انه کجی.

فقیر بو جهته مثال اولق اوزره اسکدار مولویخانه سنی کوستره بیلیرم. بو درگاه شریفک آیدین ولایتی داخنده (تبره) قصبه سنه ملحق (نعمان بک) چنکی نامنه بر وقفی واردی، که بانی درگاه نعمان دده اقتدینکدر. ایسته بو جفتک طرف حکومتدن مصادره ایدیش و مقابلنده دخی جزئی بر طعمیه ویریشدر. نه ایسه مقابلنده بر نی ویریش. فقط هر شینی و قبیله ضبط ایدیلدیکی حالده هیچ برشی ویریلینلرک عدینی یالکز پای تختده یوز الای به ابلاغ ایدرسیم مبالغه ایتشم اولورم. طعمیه مسئله سی بویه اولدینی کی تعمیریه ده عینیه بویه در. مثلاً غلطه مولویخانه سی یار و اغیاره قارشی پک غریب بر منظره ارائه ایتمکده در. حال بوکه درگاهک اوقاف نزدنده کندی باره سی وارد بر قاج دفعه کشف ایدیش، کشفنامه سی تنظیم اولنش، حادثات سیاسیه تأثیراتیه انشا آتیه باشلانمادی. شمدی ایسه حمد اولسون داخلی، خارجی فوائل بر طرف اولدینی حالده تعمیراته، انشا آتیه نه هنوز باشلانادی!

صکره اسکدار مولویخانه سنک درگاهک پنه کندی باره سیله انشا آتیه مباشرت اولنه جنی بر صروده پوست نشین عرفان پرور اقتدی حضرتلرینک تحویل مشیختلری اوزرینه قوه قریبه کلدیکی حالده حالا یوز اوستی طور یور. پنه اسکدارده پک چوق تکایا بیقیمق درجه لریننه کلش. باندرمه، آلاجه مناره، سیلیه درگاهلری ده بو حسابیه ادخال ایده بیایم. حال بوکه بونلردن متضرر اوله حق پنه اوقافدر چونکه تعمیر، اوفق بر اهل یوزندن تجدیده منقلب اولور. مسموعات درویشامه نظراً مجلس مشایخ تکایای برای تفتیش ایکی مفتشک احداث ایتش و بر چوق وظائفی ده تحمیل ایتش و بوکا فوق العاده نمون اولدم. چونکه بر چوق تکایا مختلف اسبابدن طولایی مستحق تفتیش در. فقط مفتش اقتدیله تلقین و تحمیل ایدیلجهک بر وظیفه ده واردر. اوده هر درگاهک هیئت عمومیه سی حقه در راپور تنظیمیدر.

مثلاً واردات درگاهک تحقیق، تکیه لرک تعمیر، تجدیده، اصلاحه اولان احتیاجلرینک تدقیق در. مجلس مشایخ ظن ایده رمکه بو بو جهتلرده مرجع اولق ایجاب ایدر.

معرفت التفاته تابعدر لر. مشایخ افراد روحانیه در. اولنری نشان ایله تلطف ایتک دنیا به اولان میللری آرتیرمقدن بشقه بر فائده ویرمن. آنجق مشایخه معنوی تلطف لر ترتیب ایدیلی. معارفی التفاتلره توسیعه خدمت ایتلی. یدی غروشله شیخک اولماز. هیچ بر فرد استقراض ایدوب اخرک بورجی ویره من. چونکه مجبور اولمادینی کی اسلامیت و انسانیت بویه بر شینی امر ایتز. فقیرجه مشایخه تلطف معنوی اولنلرک مضایفه سنک تهوینیدر.

طریق علیه تکایاسنده مقابله کونلری اوچ درویشدن فضله کیسه بولنمور. اسبابی بر چوق نقطه لرده سر نمای ظهور اولور. بعض مستتا تکیه لر واردرکه غلبه لکدن یول بیله بولنماز. فقط حقیقته نیچون او بر تکیه غلبه لک اولسون ده دیکری تنها اولسون. عییا بر برندن آریمیدر؟ طبعی بویه باطل بر حکم ویره میز. هپسنک غایه سی ده بردگیدر؟

فقط حقیقتی سوبلک ایجاب ایدر به بر قویوچی ده هیچ بر زمان ساخته بر یوزوک طاشنه التفات ایتز. ایسته انسانلرده بویه در. بر قسم خلق روحانی خسته لقلری تداوی ایچون شیخک حضور عرفانه کلوب دیز چو کدیکی کی بر قسم خلق ده صرف وقت کچیرمک، لفاقه ایتک، بر قسمی ده قارنی طویورمق ایچون تکایا به کیدر.

بعض تن پرورلر تکیه به کیدرکن:

جناب کبریا الحق یزوار عبادتدر

عبادت ذکر و فکر و قلب خالصدن عبارتدر

دیرلر و قطعاً تازه یا قلاشازلر. ذکرده براز بولندقدن صکره کلسون قهولر، لفاقه لر. خلاصه نه طالب حقیق وارنده مطلوب وار، اکثر مشایخ مضایقه یوزندن، اقسامی دوشونمکدن بشقه.

وقت بوله مازلر ، طیبی بو کبی احتیاجات روزمره قارشوسنده
بولانلردن بر وظیفه رشادت بکلمه کده بالطبع غریب اولور . حب
مسلك قالمش . ذاتاً مسلك بویوزدن تدنی ایش، برانار حیات فعالیت
کوسترمه مکده در .

مرجع محترمندن يك چوق شیر بکلمه یلردنم فقط الك اولو
بومعروضاتم نظر مرسته آلمی . چونکه تکایانک بر قسمی فوق العاده
محتاج معاونتدر .

حال مجروحی نه یلسین دوشمه یلر دامن

دیرلر . مرفه ، مستقی ، مسعود بر عااله هیچ بر زمان اقسام
بیه جکنی دوشونن فقیر بر عااله نک احوالی دوشونه من . اعتیاد بشر
غریبدر . او مسرف کیمسلر داغما کنديللردن یوکسک اولانلری
کوره ییلرلر . دیار بکرلی شاعر محترم سعید پاشا مرحوم :

مرتفع اولدقه شمسک سایبی مقصور اولور
برجسته سیله بو حقیقتی اکلادینی کبی (آفتاب) ردیفی منظومه
حکیمانه لرنده دخی :

دستگیر اولق کبارک شانیدر افتاده به

رفع ایدر بر شبنم ناچیزی یردن آفتاب

بیتلده شیمه انسانی اظهاری ایدر . شمعی فقیرده بو بیت
آبداری مرجع محترمنه تکیه لر ایچون او قورسهم امیدوارمکه بر چوق
دستگیران عرفانک نظر دقتی جلب ایده یلیرم .

اوزمان مسلك صوفیه ده بر آثار حیات کوریلور ، حقیقی برمسلك
اولور . مدرسه المشایخدن منتظر مادی ومعنوی فائده لرده الله ایدیلیر .
یوقسه ینه تکرار ایدیورم یدی غروشه شیخک ، درویش لک اولماز .

ابن مولانا : حسن سعید

باغلامه زلف یاره آلمه باشیکه سودا
فرهاده ذوق صورت مجنونه سیرسجرا
بر راحت ایجره هرکس آنجق بنم بلاده

دیالرده داستاندیر سرنامه مدیدم

عالم بیایر بویولده نام آور فریدم

اعلامه وارمی حاجت برعاشق بدیدم

اشک روانه ایل جمع اولدی و ارامیدم

کیم اوله واره واره جمعیم زیاده

نقش آور صفادر جانا کولکده رسمک

صیغمز خیاله کلمه تصویره لوح جسمک

آشوب بی اماندر خوبان ایلنده اسمک

که غمزک ایچمک ایسترقانیمی کاه چشمک

قورقوم بودرکه تا که قانلر اوله آراده

پرکاره باقده درس آل بر نقطه ده قرارایت

صرف ایله اقتدارک مقدوری اختیارایت

بلمدیمک عیب می بلمزسک اعتذارایت

سرورلک ایسترایسک افتاده لک شعارایت

کیم دوشمدین آباغه چیقمدی باشه باده

اثباته ، محوه باغلی بو عالمک فصولی

بحث وجداله کلمه آثارینک شمولی

یار اولمدی نتیجه آلدانندی چوق فحولی

کر کورمه مک دیلرسک رسم جفا فضولی

اوله وایه طالب دنیای بیوفاده

اسکدار : اسماعیل حق

منظومه حقایق

فکر ایلاف و اخوت کبی افکار اولاماز

بکر انصاف وعدالت کبی ده یار اولاماز

باشقه یرلرده ضیا ایتمه تحری بوشدر

مهر وجدان کبی بر کوکب نوار اولاماز

سن چالیش مطلق اولور عاشقک اقبال و کمال

مسلك همت واجلالده ، ادبار اولاماز

آکا نسبتله نه در آتش دلسوز ججیم ،

سوز مجران کبی عشاقی یاقار نار اولاماز

سریکی عاقل ایسه ک آجه صاقین باشقه سنه

کشی به کندی کبی محرم اسرار اولاماز

سنی جانان اوزر اما ایده من غیره فدا ...

اوله بر صورت حق ، ظالم وغدار اولاماز

تخمیس غزل فضولی

ممکن دکل او یاره دزد دلی افاده

آواره سین همیشه کورمک دیلر جفا ده

افتاده بم نه چاره امیدوار رجاده

اولسیدی بنده کی غم فرهاد مبتلا ده

بر آه ایله ویرردی بیک بیستونی باده

عشقک تفکر ایله بر کره ابتداسین

کافی دکل کورمک شیداروش کداسین

سویلتده دیکله زارین ترک ایله ماعداسین

ویرسیدی آمجنون فریادمک صداسین

قوشی قرار ایدردی باشنده کی بو واده

کل کرمه راه عشقه یوق منتهاسی زیرا

مجنون کبی اولورسک دیوانه لکله رسوا